

dhe Đorden i rrahën brutalisht. Në çastin kur Stamenit ia zbuluan librezën ushtarake, filluan ta rrihnin edhe më shumë. U alivanos disa herë. Në të njëjtën mbrëmje, të gjithë të arrestuarit u transferuan në kampin e **Llapushnikut/Lapušnik**. I mbyllën në një bodrum. Në ditët në vijim, pjesëtarët e UÇK-së kanë vazhduar me keqtrajtimin e Stamenit, duke e akuzuar se kishte vrarë shqiptarë. Ishte i topitur nga të rrahurat. Nuk mundte më të rrinte në këmbë. Vojko dhe Ivan Bakraçi mbajnë në mend që Đorden e shihnin të gjallë për herë të fundit më **2.07.1998**, kur këta dy u transferuan në një objekt tjetër. Të nesërmen [**3.07.1998**], në orët e pasdites, Vojko dhe Ivani vërejtën se pjesëtarët të UÇK-së e nxorën Stamenin nga bodrumi dhe e sollën në shtëpinë ku qëndronin këta dy. Pas afro dhjetë minutash, ata kanë dëgjuar dy të shtëna. Mbetjet mortore të Stamenit u gjetën vetëm në muajin maj të vitit 2005, në një varrezë masive afër spitalit të Malishevës/Mališevo. Obduksioni ka konstatuar se ai ishte vrarë me një plumb në kokë dhe një tjetër në gjoks. Familjarët i kanë marrë mbetjet mortore të Stamenit nga autoritetet kosovare më 22.09.2005 në Merdare. Varrimi i tyre është bërë po atë ditë në Bosilegrad. Për fatin e Đordes nuk dihet asgjë as sot. Zhdukja e tij është evidentuar nga KNKK-ja dhe lënda e tij e mban numrin rendor YUK-050064-01

Burimet: deklarata V.B, FDH-18959; deklarata V.Ć, FDH-19100; deklarata S.K, FDH-5626; deklarata V.B, FDH-18960; ICTY, IT-03-66 (F. Limaj dhe të tjerë), aktgjykimi, 30.11.2005, [http://www.hlc-rdc.org/index.php?lid=sr&show=PravdaIReforma&int_cid=119&cat=Transkripti/Predmet-Limaj-i-drugi-\(-IT-03-66-\);](http://www.hlc-rdc.org/index.php?lid=sr&show=PravdaIReforma&int_cid=119&cat=Transkripti/Predmet-Limaj-i-drugi-(-IT-03-66-);) KNKK, *Persona të zhdukur..*, FDH-9795; AIS, *Zona..*, 66, FDH-16913; SMIP, *Teroristički..*, III, 73, 972; USCG KGDH, *Registri..*, FDH-8817; FHP, *Haški tribunal, Sudeenje Slobodanu Miloševiću*, XXIII, 611; FDH, *Fati i serbëve..*, 2, 24, FDH-14277; *Nepotpuna istina*, Veçernje novosti, 30.04.2001, FDH-18896; *Raspršila se nada*, Veçernje novosti, 1.09.2005, FDH-31723.

Ali (Hetem) Dibrani

(20.03.1943, shqiptar nga Glllogoci/Glogovac, axhustator, tre fëmijë)

Para fillimit të luftës, Aliu punonte në fabrikën e *Ferronikelit* [Glllogoc/Glogovac]. Në shtëpi e kishte një punëtori, ku fshehurazi i riparonte armatimet e UÇK-së. Në datën **9.07.1998**, Aliu, së bashku me Hafien, vajzën e vëllait Muharremit, shkuan në Gllanasellë/Gladno Selo për të çuar pjesët e armëve të riparuar. Atje morën pjesë të armatimeve të tjera që duheshin të riparoheshin dhe pasdite u nisën për në shtëpi. Përderisa po kalonin përmes një fushe në mes të Glllobarit/Globar dhe **Glllogocit/Glogovac**, forcat serbe që ishin të pozicionuara në fabrikën e *Ferronikelit*, kanë shtënë drejt tyre. Ata u shtrin në tokë dhe nisën të zvarriteshin. Për një çast, Aliu e ngriti kokën për të vëshruar situatën dhe, në atë çast, një plumb snajperi e goditi në kokë duke e lënë të vdekur në vend. Trupi i tij ka mbetur aty deri në mbrëmjen e së njëjtës ditë, kur Muharremi me dhëndrin Azemin e morën dhe e çuan në Çikatovë të Re/Novo Çikatovo. Një ditë më vonë, Aliun e varrosën në varrezat e fshatit të lindjes në Gradicë/Gradica.

Burimet: deklarata G.D, FDH-33731; *The Serbian police shot dead Thursday afternoon a 54-year-old Albanian, Ali Dibrani, In Glllogovc, 35 km west of Prishtina*, pasqyra e lajmeve, KIC, 10.07.1998, FDH-29358.

Idriz (Selman) Obrija

(1937, shqiptar nga Komarani/Komorane, komuna e Glllogocit/Glogovac, bujk, shtatë fëmijë)

Për shkak të përlëshjeve të armatosura mes forcave serbe dhe atyre të UÇK-së, Idrizi me familje e braktisën Komaranin/Komorane më 5.07.1998. U strehuan te kushëri Elmi Gara në Kizharekë/Kišna Reka. Në orët e hershme të mëngjesit, më **12.07.1998**, Idrizi me bashkëshorten Halimen, djemtë Agimin, Selmanin, Florimin dhe Bekimin, si dhe nipërit Shpejtimin dhe Shpresimin, u kthyen në fshat për të marr disa rroba dhe ushqime. Në orët e vona të së njëjtës ditë, ata u nisën me makinë për në Kizharekë/Kišna Reka. Agimi ishte në vendin e ngasësit, ndërkaq Idrizi ishte në vendin pranë tij duke e mbajtur në prehër Shpejtimin e vogël. Te vendi i quajtur *Kroi/Izvor* [**Komaran/Komorane**], diku nga ora 20:30,